

太上慈悲道場消災九幽懺卷之三 第三

太極左仙公葛玄纂集

斷煩惱品第一

今日道場大眾人各運心仰對

慈尊懺斷煩惱罪業懺主未歛心長跪諦聽

經言一切眾生從托胎父母胞胎或長富

或少貧或前貴或後賤或一惡或百惡或男

或女不省輪迴莫分終始為有煩惱煩惱生

於執見執見生於顛倒顛倒生於妄想妄想

生於疑惑疑惑生於眾苦眾苦生於諸業諸

業既造無常逼迫不得自在

慈尊語普濟言煩惱是眾生受身處在人世

不惟富貴貧賤男女皆求衣食須慕生緣供

給所須支持日用牽縈王法拘鎗尊卑合會

親眷分別恩愛乃至老病死亡或不終其壽

隨業流轉三惡道中漸遠人天不覺有無常

苦智明了故體無想故以智慧覺妄想故

辨疑惑故不以為苦任放縱性情愉安樂隨

念生心隨心造業執見為事顛倒為非對境

妄想慕求疑惑縱恣六根造洎沙數罪業不

慎三業種無量億地獄皆因煩惱執染身心
有身則有煩惱無身則無煩惱既有煩惱當
須修習普濟言修習何善得離煩惱

慈尊言消滅三業立三善行一心善行二身
善行三口善行且心善行者一不貪愛二不瞋

怒三不愚癡清廉尅已少欲知足制伏貪取

斷除求利慈忍恬柔寬和容恕挫解瞋恚常

無忿怒觀妙守靜達有通無能於諸法智慧

明了是名心善行次以身善行者一不殺害

二不竊盜三不邪淫仁慈博施愍念群生濟

生度死謙卑退讓非義不取捨身命財無所

吝惜真正清潔遠離邪淫不色不慾心無放

蕩是名身善行所謂口善行者一不矯妄二

不華綺三不兩舌四不罵詈發言信實常無

虛誑所說真正能無華飾詞旨中平清直無

二能不彼此背向兩端聲氣調和柔軟清潤

巧說法相吟詠洞章是名口善行三行既善

則無疑惑既無疑惑則無妄想既無妄想則

無顛倒既無顛倒則無執見既無執見則無

煩惱既無煩惱則無眾苦既無眾苦則無諸

業既無諸業則為安樂入無為道於是普濟
聞說三善行法一切眾生皆得煩惱病愈讚
歎慈尊當作是偈

稽首聖中真法主 能說眾生煩惱藥
眾生心中無價寶 常被六賊來劫剽

瞋恚怒箭攢射心 無明愛鎖無開鑰

人我松柁防禁身 六親魔想專相掠

今依三行善驅除 未劫應無四相著

今日道場大眾及以懺主未聞此煩惱大可

思惟無量劫來悉見諸苦是樂諸樂是苦今

生不能覺悟斷除煩惱後更復增宿業相纏

住此幻世不見大道不悟真詮煩惱禍殃日

生繫縛今過

慈尊經教廣說法門顯喻煩惱提攜愚暗今

一切有情悉得開悟懺主未自從無始劫來

至于今劫今生今日九祖七玄存亡二世一

切眷屬但縱身三業口四業意十業從無始

無明造三毒四趣五蓋六塵七漏八垢九結

十纏使不自在煩惱但在牢籠處於流浪今

日遇此懺法如日處晝如月當夜如盲得明

如啞得語如聾得聰如罪得赦伏為平安禮
此懺文五體投地一心發念稽首
慈尊敬禮
真聖

志心敬禮 玉清降福天尊
志心敬禮 尋聲救苦天尊
志心敬禮 玄真萬福天尊
志心敬禮 飛行世間天尊
志心敬禮 元陽量花天尊
志心敬禮 轉我身天尊
志心敬禮 鏡心淨天尊
志心敬禮 高上妙天尊
志心敬禮 常安靜天尊
志心敬禮 玄妙門天尊
志心敬禮 常清淨天尊
志心敬禮 出生死天尊
志心敬禮 大莊嚴天尊
志心敬禮 觀妙身天尊
志心敬禮 常普覆天尊
志心敬禮 高玄天尊

志心敬禮 祐神天尊
志心敬禮 轉法天尊
志心敬禮 真妙天尊
志心敬禮 昌陽天尊
志心敬禮 太一救苦天尊
志心敬禮 長生保命天尊
志心敬禮 普慈護國天尊
志心敬禮 無邊際天尊
志心敬禮 功德海天尊
志心敬禮 逍遙快樂天尊
志心敬禮 隨願往生天尊
志心敬禮 左玄真人
志心敬禮 右玄真人
志心敬禮 大慈救苦真人
志心敬禮 大悲拔罪真人

今日道場施主以及大眾仰願
南方無上靈寶天尊諸尊諸聖諸仙諸大真
人諸大天眾諸大童子遍十方際盡玄虛界
過去未來隱現一切真聖同垂善力救護眾
生今懺主未未斷煩惱使離塵染為過去見

在作其善力助彼三途未離惡趣及我等眾
得生十方淨樂國土一切煩惱結習罪因乘
此懺悔咸得消滅從今日去行真相道無生
怠慢願得智慧方便善力消諸災難保安國
土度脫六道幽顯四生九祖速魂三代淨識
同出牢籠齊登道岸一拜

淨塵勞苦業品第二

今日道場大眾人各運心仰對
慈尊懺悔諸塵勞苦罪業懺主未歛心歸命
歸依諦聽經言一切眾生自從生誕形體已
來頭負圓天足履方地肌屍醜穢骨肉腥凡
不避星辰常干風雨累此陽過必犯陰愆但
以天地之內不問貴賤罪目無量或因三業
生罪或從六根起過或自內心邪僻或藉外
境染著或從三毒根起四顯倒或從三業生
一百八煩惱或從五見生六十二見或從十
惡起四十種惡或從六情生八萬四千諸塵
勞門或從一念一項生四顯倒起一百八煩
惱造六十二見立四十種惡造八萬四千諸
塵勞苦何況一日一月一年起於念想何況

經於歷劫起於眾罪於是勞苦相尋相覓無有窮已然其罪根生於三種普濟言何者為三一者是惱二者是業三者是想為此三種不能見聖及人天勝妙好事若一日一時一念悟其三障乃至三業六根一百八煩惱六

十二見四十種惡八萬四千塵勞苦業皆得清淨是諸眾生不信吾言不依經說不知解寬不求解脫積惡塵沙罪滿天地三毒十惡五見六塵六染六入復生無間罪業或造不成就信行斷業誣誑

天尊誣謗三寶破滅賢聖毀正法業不信罪福起十惡業迷真返正癡惑業不忠君主邪佞業不孝二親返戾業輕慢尊師無禮敬業朋友無信不義業作四重罪障聖道業毀犯淨戒破八齋業五篇七障缺犯業不信十戒不論輕重方便行精思業年六長齋月十齋不常修業諸威儀中不如法業二千四百威儀微細業障不修身戒心慧業春秋八王造眾業行多種惡犯戒六儀業於苦眾生無惡傷業不矜不念無憐愍業不拔不濟無救護

業心懷嫉妬生彼我業怨親二境不平等業耽荒五慾不厭離業因衣因食園林浴池生薄逸業或喜有漏回向三聖障出家業如是等業皆無量無邊說不可盡普濟言當用何等心今此業障罪滅

慈尊言先當與七種善心以為方便可得除滅何等為七一是一是慚愧二是恐怖三是厭離四是發無上善心五是怨親平等六是念報天尊國主師尊父母之恩七是觀諸妄想罪性皆空若人不得此善心不起懺悔殃累遂

祖禍染將來及今見世盲聾長病死八九幽諸獄萬劫方生餓鬼非人之形爾時慈尊乃言此偈

若人不善心 無故作諸業 一絲及一毫 乃至無量億 死入十八獄 種種受諸苦

後生飢虎中 常不得飽食 縱得生人身 水火刀兵殺 或復得長病 風狂及顛癩

今日道場大眾如經所言寔堪恐怖身中有斯勞苦積劫何以覺知無明所覆或自行十惡或教他十惡或讚歎十惡或明進十惡一

念一頓想於十惡或一毫一種他日受報追悔何及今須努力精進懺悔若在六道及處四生見受未受苦報者我今發念願同解脫懺主未伏為_{平安}禮此懺文五體投地一心發念稽首

慈尊敬禮

真聖

志心敬禮

玉清降福天尊

志心敬禮

尋聲救苦天尊

志心敬禮

玄真萬福天尊

志心敬禮

龍王變度天尊

志心敬禮

萬劫輪轉天尊

志心敬禮

十方應號天尊

志心敬禮

難思議天尊

志心敬禮

除煩惱天尊

志心敬禮

德高遠天尊

志心敬禮

塵沙妙天尊

志心敬禮

法耀身天尊

志心敬禮

智難勝天尊

志心敬禮

幽法極天尊

志心敬禮	上清天尊
志心敬禮	進道天尊
志心敬禮	化應天尊
志心敬禮	知苦天尊
志心敬禮	化物天尊
志心敬禮	信慧天尊
志心敬禮	度厄天尊
志心敬禮	偃度天尊
志心敬禮	太一救苦天尊
志心敬禮	長生保命天尊
志心敬禮	普慈護國天尊
志心敬禮	道遠快樂天尊
志心敬禮	隨願往生天尊
志心敬禮	無邊際天尊
志心敬禮	功德海天尊
志心敬禮	妙用真人
志心敬禮	體解真人
志心敬禮	大慈救苦真人
志心敬禮	大慈拔罪真人

今日道場施主及以大衆仰願

南方無上靈寶天尊諸聖諸大真人諸
 八神仙諸大天仙諸大童子過十方際盡玄
 虛界過去未來應號一切真聖以太玄水洗
 蕩穢主系及經生父母受法度師事伯叔
 兄弟男女眷屬本緣昔緣無量無邊諸塵勞
 苦罪業仗今懺悔願承道力真聖力懺法力
 因果力難思力功德力願得消滅使悟諸見
 了達玄理普願一切衆生不滯塵勞罪業體
 悟無為歸依大道一升

歸信敬品第三

今日道場大衆人各運心仰對
 慈尊懺悔不敬信罪業感主未頂禮長跪諦
 聽經言一切衆生造作惡緣施為不當心如
 火熾炎炎不揀姓妍意似刀鋒凜烈豈論強
 弱積時累日經月逾年不能以時修其片善
 日積愆訖轉加寬濫彌增苦業永劫沈淪今
 緣昔緣從劫至劫運心舉意生不信敬誹謗
 三聖毀壞三聖輕慢三聖穢汙三聖戲弄三
 聖罵詈三聖呪詛三聖欺忽三聖傲誕三聖
 貢高三聖啗食三聖誑惑三聖侵奪三聖賤

損三聖聖毀經懺評論真偽妄言得失強辯
 是非分別淺深貪議短長形容不淨衣服不
 淨手脚不淨履履不淨口氣不淨飲酒食肉
 嚼齋葷辛口出穢言心不恭敬或不洗手或
 不燒香或不盟口或不沐浴即入玄壇便臨
 法座或詣道場聽法聞經逼近尊像穢汚真
 聖神仙靈人玉童玉女金剛神王天丁力士
 護法威神或對
 天尊大道經法出家法身形容傲誕不肯禮
 拜稽首歸誠或卧聽法師大德講說三洞大
 乘經典或酒肉葷菜騎車馬直入道場逼
 近
 天尊看讀經懺或見持齋受戒求不信從稱
 為虛矯或領男女同入道場聽法聞經高聲
 大語惱觸法徒或發言舉意先論是非較量
 功德或依倚三寶方便求財或假法教誑惑
 男女或費用三寶財物自供己身或恐惱出
 家法身求其長短取其財貨養育眷屬擊
 經像市中教化或於行路假言功德聚集財
 物自將入已或將經像假貨花香供給骨肉

或高座說法得以觀施惟將已用或不參經戒符籙法文便作人師受以施財或廣引弟子不擇賢良授度經法泄其真秘或不按科律受稟師尊自任己心增減經法或尊像前暴露埃塵損壞常住或堂殿傾頹經法穢汙或破壞幡燈功德不敬賅容或竊盜寶經同諸俗典或私將抄寫不肯護持混雜凡書曹無恭敬或安牀枕一處眠卧或在房院臭穢狼藉手整堂觸及語真經或叛道背師自違盟誓凡諸舉意一切運心皆犯明科違犯戒律此之罪目無量無邊若人犯不敬信一絲一毫罪業見世今眷屬不圓先逝受苦已身當受蟲癩病報死入九幽地獄萬劫方生受野獸身兩時

慈尊為講未悟乃說偈言

生世不敬信 毀壞道真容 上聖及仙真 靈人與神人 玉童將玉女 金剛并力士 侍衛威神等 一切諸形像 破損及輕慢 穢汙不恭敬 謗毀出家人 言詞無上下 打罵加凌忽 淫犯生感弄 傲慢自貢高

評論諸經法 強說是與非 破齋又破戒 偷盜三寶財 種種不信敬 死入九幽獄 備歷十八中 足履刀山上 兩手攀劔樹 裸身抱銅柱 赤體卧鐵牀 頭上戴火山 背常負鐵杖 飢則食火炭 渴乃飲鎔銅 鑊湯沸爛煮 火車燒燖身 確搗更礮磨 倒懸又倒立 鋸解又刀刑 針鋒貫肢節 硤石逼其身 寒冰斷筋骨 煨燻走東西 跳躑不得住 腥穢常臭處 連汲溟波水 以灌於四瀆 惡鳥爭啄睛 銅狗來咬齧 毒蛇競吞噬 牛頭折其脊 一日萬死生 苦痛不可忍 當生受蟲癩 今日道場大衆諦聽是偈如經所說深切憂懼造此罪因何能曉悟若有斯罪受報難逃追悔之時莫能得及宜各精進審悔罪訖若在六道受四生身者大身小身相啗相食或未受報我今恭敬普願解脫懺主共伏為

慈尊敬禮

真聖

志心敬禮 王清降福天尊
志心敬禮 尋聲救苦天尊
志心敬禮 玄真萬福天尊
志心敬禮 洞空化號天尊
志心敬禮 無量應天天尊
志心敬禮 證得道天尊
志心敬禮 常歡喜天尊
志心敬禮 妙法歡天尊
志心敬禮 常救物天尊
志心敬禮 不變相天尊
志心敬禮 法舍天尊
志心敬禮 玄官天尊
志心敬禮 應化天尊
志心敬禮 太虛天尊
志心敬禮 道海天尊
志心敬禮 碧落天尊
志心敬禮 常道天尊
志心敬禮 降伏天尊
志心敬禮 太一救苦天尊
志心敬禮 長生保命天尊

志心敬禮 普應護國天尊

志心敬禮 道遠快樂天尊

志心敬禮 隨願往生天尊

志心敬禮 無邊際天尊

志心敬禮 功德海天尊

志心敬禮 智藏真人

志心敬禮 廣信真人

志心敬禮 大慈救苦真人

志心敬禮 大悲拔罪真人

今日道場施主及以大衆仰願

南方無上靈寶天尊諸尊諸聖諸大真人諸天仙衆諸大童子諸大龍神遍十方際盡玄虛界隱現一切真聖伏願蕩除苦趣蠲免惡源懺主來自從生身以來所有罪業承今懺悔一發念心乞願消滅自今已去常懷信敬省察前非洗心後悔願當來世轉輪不絕永得長生過去遊魂俱超生處見在親緣常居福地得證無為早登聖果一升

除障礙品第四

今日道場大衆人各運心仰對

慈尊懺悔障礙罪業懺主甚至心長跪諦聽經言一切衆生以貪欲心構起六識六塵六欲六染起愚癡妄想生諸障礙明明造罪心起不知故故為非言猶自是都緣昏昧何認罪愆但稱彼短己長何別他尊我方不察分身貴賤高下不鈞貴則深堂峻宇抱紫紵金朱壁椒房丹臺玉楯賤則蒼頭跣足逐後迎前聲氣低微格式卑下富則輕裘肥馬與食精羞言如鐘響心似海闊貧則饑寒在念禮義乖疏言行相違施為不當分茲身業豈解秉持違過更多孰能覺悟自居世網却起障心退人歸依三寶天尊聖教退人信重大道經法退人忠順帝王退人供侍師尊上下法屬退人孝順父母退人為國轉經行道退人為家消災乞福退人為國憂勤退人為家勤苦退人發無上道心退人行道歌詠退人持戒守白退人放生活命退人誦經長善退人忍辱受心退人布施歡喜退人修行精進退人隱居山谷服氣吐納退人修道求覓飛昇

退人抄寫經文莊嚴條軸退人粧塑尊像生發信心退人修蓋靈壇宮觀召人住持退人設齋造供退人苦身煉行磨琢心性退人供養法身退人恭敬焚修退人平等無二退人出離塵染永除煩惱退人禮懺謝過得免災

難退人道場香燈晝夜退人聰明智慧常習經書退人學藝修飾身名或以恩愛退人或以情義退人或以利濟退人或以指教退人或以貪愛退人或以輕慢退人或以縱性虛誕退人或退人種種好事應是他人一絲一毫善事善事既發不可妄生障礙凡生障礙者為己身不知善事是解脫出塵之路自不能行而乃互生障礙若造一障一礙事獲無量無邊累今見世已身老病孤獨願無所遂死入九幽地獄受一切苦萬劫方生作魚龍身受人剝剔若不懺悔無由解脫爾時慈尊教諸衆生而說是頌
前世無善心 障礙於一切 玄說詭誑語
言前非生路 恩愛與情好 貪染及輕觸
留戀同為惡 死入流沙獄 縱得受人身

貧寒復孤獨 見世老長病 良藥却為毒
今日道場大眾人各運心聞說是須實可憂
悲若有此障礙罪業受報之時應難速悔今
須發願解除罪障懺主未伏為進身禮此懺
文五體投地一心發念稽首

慈尊敬禮

真聖

志心敬禮 玉清降福天尊
志心敬禮 尋聲救苦天尊
志心敬禮 玄真萬福天尊

志心敬禮 擁化天尊
志心敬禮 傳教天尊
志心敬禮 善勝天尊
志心敬禮 辨法天尊
志心敬禮 本光天尊
志心敬禮 寶德天尊
志心敬禮 雲翔天尊
志心敬禮 駕景天尊
志心敬禮 法身力天尊
志心敬禮 德王明天尊

志心敬禮 妙化普天尊
志心敬禮 常護世天尊
志心敬禮 無邊力天尊
志心敬禮 無垢意天尊
志心敬禮 功德王天尊

志心敬禮 無邊在力天尊
志心敬禮 太一救苦天尊
志心敬禮 長生保命天尊
志心敬禮 普慈護國天尊
志心敬禮 逍遙快樂天尊

志心敬禮 隨願往生天尊
志心敬禮 無邊際天尊
志心敬禮 功德海天尊
志心敬禮 妙信真人
志心敬禮 妙音真人
志心敬禮 大慈救苦真人
志心敬禮 大悲拔罪真人
今日道場懺主及以大眾仰願
南方無上靈寶天尊諸尊諸聖諸大神仙諸
大真士諸大真人諸大童子過十方際盡玄

虛界過去未來隱現一切真聖以大道難思
議力功德微妙力應號慈尊力今懺主未九
祖父母同住師尊內徒法侶及經生考妣伯
叔兄弟已身眷屬存亡二世所有障礙重罪
山積海深仗今禮懺願承

神仙力龍神力三聖力真人力未得消滅沈
墜超生無復苦惱自從今去見人修種種善
行不生障礙惟願善芽增長善度無量一切
有情同起
淨土一拜

太上慈悲道場消災九幽懺卷之三